

## **PDRM pertingkat kawalan keselamatan di Pejabat Kedutaan AS**

Oleh NURAINA HANIS ABD. HALIM  
20 Oktober 2023, 6:46 pm

KUALA LUMPUR: Polis Diraja Malaysia (PDRM) mempertingkatkan kawalan keselamatan di Pejabat Kedutaan Amerika Syarikat (AS) susulan beberapa siri perhimpunan dilakukan di hadapan kedutaan terbabit.

Ketua Polis Kuala Lumpur, Datuk Allaudeen Abdul Majeed berkata, ia adalah tanggungjawab polis bagi menjaga keselamatan pejabat perwakilan asing di negara ini.

"Ini adalah pejabat perwakilan asing dan kita bertanggungjawab memastikan keselamatan perwakilan asing itu selamat," katanya dalam sidang akhbar di Ibu Pejabat Kontinjen (IPK) Kuala Lumpur, di sini, hari ini.

Beliau turut mengingatkan peserta perhimpunan supaya mematuhi peraturan dan undang-undang ketika berhimpun.

Himpunan ini kalau kita tengok ada beberapa himpunan diadakan dalam minggu ini, kita minta mereka patuh dengan undang-undang.

"Saya percaya semuanya dilakukan secara aman dan mengikut peraturan," katanya.-UTUSAN